



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ერისთავი ელენე შალვას ასული



ერისთავი ელენე შალვას ასული (9. IX. 1897, თბილისი, – 27. I. 1990, იქვე), პირველი ქართველი სელექციონერი ქალი. 1916 დაამთავრა თბილ. ვ. ლევანდოვსკის კერძო გიმნაზია, 1923 – თბილ. სახელმწ. პოლიტექნიკური ინ-ტის სას.-სამ. ფაკულტეტი. 1932–36 იყო სკრის (გორი) მეხილეობის საცდელი სადგურის ხეხილოვანი კულტურების სელექციის განყ-ბის გამგე, 1938–56 – დირექტორის

მოადგილე სამეცნ. ნაწილში (იქვე). 1941–47 საქართვე. სას.-სამ. ინ-ტის მეხილეობის კათედრაზე ეწეოდა სამეცნ.-პედ. მოღვაწეობას. 1956–73 ხელმძღვანელობდა მეხილეობის, მევენახეობისა და მეღვინეობის სამეცნ.-კვლ. ინ-ტის ხეხილოვანი კულტურების სელექციისა და ჯიშთმცოდნეობის განყ-ბას. ე-ის თაოსნობით ჰიბრიდიზაციისა და ინტროდუქციის შედეგად მიღებული, შესწავლილი და წარმოებაში დანერგილია თესლოვანი, კურკოვანი და კენკროვანი კულტურების მაღალხარისხოვანი ჯიშები, გამდიდრებულია საქართვე. ხეხილოვანი კულტურების ასორტიმენტი. ე-მა გამოიყვანა ატმის ახ. ჯიშები: სანდო, პიონერი, გორული საადრეო, ერისთავის ვარდისფერი, ნობათი. იყო მრავალი სამეცნ. ნაშრომის ავტორი. მიღებული აქვს ნ. ვავილოვის სახ. მედალი (1987).

თბზ.: ხომიბურაშვილი ნ., ერისთავი ე., საქართველოს ხილი, ტ. 1–2, თბ., 1939–41
